

OFFERYNNAU STATUDOL CYMRU

2009 No. 3376

Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009

RHAN 3 **E+W**

RHEOLAETHAU SWYDDOGOL AR FWYD ANIFEILIAID A BWYD O DRYDYDD GWLEDYDD NAD YDYNT YN DOD O ANIFEILIAID

Dehongli'r Rhan hon o'r Rheoliadau hyn **E+W**

22. Yn y Rhan hon o'r Rheoliadau hyn—

ystyr “awdurdod gorfodi” (“*enforcement authority*”) yw'r awdurdod bwyd anifeiliaid neu'r awdurdod bwyd;

ystyr “awdurdod gorfodi y tu allan i Gymru” (“*outside Wales enforcement authority*”) yw'r corff sy'n gyfrifol am orfodi'r ddeddfwriaeth sydd mewn grym mewn perthynas â chynhyrchion a fewnforiwyd mewn unrhyw ran o'r Deyrnas Unedig ac eithrio Cymru;

nid yw “bwyd anifeiliaid” (“*feed*”) yn cynnwys ychwanegion o fath a grybwyllir yn Erthygl 6(1)(e) o Reoliad (EC) Rhif 1831/2003 Senedd Ewrop a'r Cyngor neu baragraff 4(d) o Atodiad I iddo ar ychwanegion i'w defnyddio mewn maeth i anifeiliaid(1) neu unrhyw rag-gymysgedd sydd wedi'i ffurfio'n unig o gyfuniad o'r ychwanegion hynny;

ystyr “y Comisiynwyr” (“*the Commissioners*”) yw Comisiynwyr Cyllid a Thollau Ei Mawrhydi;

[^{F1}ystyr “cynnyrch” (“*product*”) yw bwyd anifeiliaid a bwyd nad ydynt yn dod o anifeiliaid y mae eu mewnfurio wedi eu rheoleiddio gan Erthygl 44 neu Erthygl 47(1)(d), (e) neu (f) o Reoliad 2017/625 ac mae'n cynnwys y cynhyrchion a'r bwydydd cyfansawdd hynny nad ydynt wedi eu rhestru ym Mhenderfyniad y Comisiwn 2007/275/EC ynghylch rhestrau o gynhyrchion cyfansawdd sydd i fod yn ddarostyngedig i reolaethau mewn safleoedd rheoli ar y ffin;]

[^{F2}ystyr “darpariaeth fewnfurio benodedig” (“*specified import provision*”) yw unrhyw ddarpariaeth ^{F3}... ym mhecyn Rheoliad 2017/625 a bennir yng Ngholofn 1 o Atodlen 6 ac y disgrifir ei chynnwys yng Ngholofn 2 o'r Atodlen honno;]

ystyr “swyddog awdurdodedig” (“*authorised officer*”), o ran awdurdod gorfodi, yw unrhyw berson (boed yn swyddog i'r awdurdod neu beidio) sydd wedi'i awdurdodi'n ysgrifenedig gan yr awdurdod hwnnw, naill ai'n gyffredinol neu'n arbennig, i weithredu mewn materion sy'n codi o dan y Darpariaethau Mewnfurio; ^{F4}...

^{F4}
...

(1) OJ Rhif L268, 18.10.2003, t.29, fel y'i diwygiwyd ddiwethaf gan Reoliad (EC) Rhif 596/2009 Senedd Ewrop a'r Cyngor sy'n addasu nifer o offerynnau yn ddarostyngedig i'r weithdrefn y cyfeirir ati yn Erthygl 251 o'r Cytuniad i Benderfyniad y Cyngor 1999/68/EC o ran y weithdrefn reoleiddio ynghyd â chraffu: Addasu'r weithdrefn reoleiddio ynghyd â chraffu — Rhan Pedwar (OJ Rhif L188, 18.7.2009, t.14).

Diwygiadau Testunol

- F1** Geiriau yn **rhl. 22** wedi eu hamnewid (31.12.2020) gan Rheoliadau Rheolaethau Swydddogol ar Fwyd Anifeiliaid a Bwyd (Diwygiadau Amrywiol) (Cymru) 2020 (O.S. 2020/1487), rhlau. 1(2), **3(3)(a)**
- F2** Geiriau yn **rhl. 22** wedi eu hamnewid (14.12.2019) gan Rheoliadau Rheolaethau Swydddogol ar Fwyd Anifeiliaid a Bwyd (Cymru) (Diwygiadau Amrywiol) 2019 (O.S. 2019/1482), rhlau. 1(1), **18(c)**
- F3** Geiriau yn **rhl. 22** wedi eu hepgor (31.12.2020) gan Rheoliadau Rheolaethau Swydddogol ar Fwyd Anifeiliaid a Bwyd (Diwygiadau Amrywiol) (Cymru) 2020 (O.S. 2020/1487), rhlau. 1(2), **3(3)(b)**
- F4** Geiriau yn **rhl. 22** wedi eu hepgor (31.12.2020) yn rhinwedd Rheoliadau Hylendid a Diogelwch Bwyd a Bwyd Anifeiliaid (Diwygiadau Amrywiol a Darpariaeth Arbed) (Cymru) (Ymadael â'r UE) 2020 (O.S. 2020/1581), rhlau. 1(3), **10(9)**

Gwybodaeth Cychwyn

- I1** Rhl. 22 mewn grym ar 25.1.2010, gweler **rhl. 1**

Cyfrifoldebau gorfodi bwyd anifeiliaid a statws awdurdod cymwys **E+W**

23.—(1) Cyfrifoldeb pob awdurdod bwyd anifeiliaid yw gweithredu a gorfodi'r Darpariaethau Mewnforio yn ei ardal neu ei ddsbarth, yn ôl fel y digwydd, mewn perthynas â bwyd anifeiliaid.

(2) Mae'r awdurdod bwyd anifeiliaid wedi'i ddynodi'n awdurdod cymwys at ddibenion darpariaethau [^{F5}Rheoliad 2019/1793] i'r graddau y mae'r darpariaethau hynny'n gymwys o ran cyfraith bwyd anifeiliaid berthnasol.

(3) Mae dynodi awdurdod bwyd anifeiliaid yn awdurdod cymwys yn unol â pharagraff (2) yn ddynodiad sy'n ymestyn i'w ardal neu i'w ddsbarth yn unig, yn ôl fel y digwydd.

^{F6}(4)

Diwygiadau Testunol

- F5** Geiriau yn **rhl. 23(2)** wedi eu hamnewid (C.) (14.12.2019) gan Rheoliadau Rheolaethau Swydddogol ar Fwyd Anifeiliaid a Bwyd (Cymru) (Diwygiadau Amrywiol) 2019 (O.S. 2019/1482), rhlau. 1(1), **19(a)**
- F6** **Rhl. 23(4)** wedi ei hepgor (C.) (14.12.2019) yn rhinwedd Rheoliadau Rheolaethau Swydddogol ar Fwyd Anifeiliaid a Bwyd (Cymru) (Diwygiadau Amrywiol) 2019 (O.S. 2019/1482), rhlau. 1(1), **19(b)**

Gwybodaeth Cychwyn

- I2** Rhl. 23 mewn grym ar 25.1.2010, gweler **rhl. 1**

Cyfrifoldebau gorfodi bwyd a statws awdurdod cymwys **E+W**

24.—(1) Cyfrifoldeb pob awdurdod bwyd yw gweithredu a gorfodi'r Darpariaethau Mewnforio yn ei ardal o ran bwyd.

(2) Mae'r awdurdod bwyd wedi'i ddynodi'n awdurdod cymwys at ddibenion darpariaethau [^{F7}Rheoliad 2019/1793] i'r graddau y mae'r darpariaethau hynny'n gymwys o ran cyfraith bwyd berthnasol.

(3) Mae dynodi awdurdod bwyd yn awdurdod cymwys yn unol â pharagraff (2) yn ddynodiad sy'n ymestyn i'w ardal yn unig.

^{F8}(4)

Diwygiadau Testunol

- F7** Geiriau yn [rhl. 24\(2\)](#) wedi eu hamnewid (C.) (14.12.2019) gan [Rheoliadau Rheolaethau Swyddogol ar Fwyd Anifeiliaid a Bwyd \(Cymru\) \(Diwygiadau Amrywiol\) 2019 \(O.S. 2019/1482\)](#), rhlau. 1(1), **20(a)**
- F8** [Rhl. 24\(4\)](#) wedi ei hepgor (C.) (14.12.2019) yn rhinwedd [Rheoliadau Rheolaethau Swyddogol ar Fwyd Anifeiliaid a Bwyd \(Cymru\) \(Diwygiadau Amrywiol\) 2019 \(O.S. 2019/1482\)](#), rhlau. 1(1), **20(b)**

Gwybodaeth Cychwyn

- I3** [Rhl. 24](#) mewn grym ar 25.1.2010, gweler [rhl. 1](#)

Swyddogaethau'r Comisiynwyr **E+W**

25. Bydd y Comisiynwyr yn cyflawni'r swyddogaethau a roddir [F9 i awdurdodau tollau o dan Erthyglau 46, 57, 75 ac 76 o Reoliad 2017/625 ac Erthygl 4 o Reoliad 2019/1793] o ran bwyd anifeiliaid a bwyd.

Diwygiadau Testunol

- F9** Geiriau yn [rhl. 25](#) wedi eu hamnewid (C.) (14.12.2019) gan [Rheoliadau Rheolaethau Swyddogol ar Fwyd Anifeiliaid a Bwyd \(Cymru\) \(Diwygiadau Amrywiol\) 2019 \(O.S. 2019/1482\)](#), rhlau. 1(1), **21**

Gwybodaeth Cychwyn

- I4** [Rhl. 25](#) mewn grym ar 25.1.2010, gweler [rhl. 1](#)

Cyfnewid gwybodaeth **E+W**

26.—(1) Caiff y Comisiynwyr, yr Asiantaeth ac unrhyw awdurdod gorfodi gyfnewid gwybodaeth at ddibenion y Darpariaethau Mewnforio, a chânt ddatgelu gwybodaeth i'r cyrff a ddiffinnir fel awdurdodau gorfodi yn y darpariaethau sy'n cyfateb i Ran 3 o'r Rheoliadau hyn yn Lloegr, yr Alban a Gogledd Iwerddon at ddibenion y Darpariaethau Mewnforio neu'r darpariaethau sy'n cyfateb i'r Darpariaethau Mewnforio yn yr awdurdodaethau hynny.

(2) Mae paragraff (1) heb ragfarn i unrhyw bŵer arall sydd gan y Comisiynwyr, yr Asiantaeth neu unrhyw awdurdod gorfodi i ddatgelu gwybodaeth.

(3) Ni chaiff neb, gan gynnwys gwas i'r Goron, ddatgelu unrhyw wybodaeth a gafwyd oddi wrth y Comisiynwyr o dan baragraff (1)—

- (a) os yw'r wybodaeth yn ymwneud â pherson y mae ei fanylion adnabod—
- (i) wedi'u pennu yn y datgeliad; neu
- (ii) yn gallu cael eu casglu o'r datgeliad;
- (b) os gwneir y datgeliad at ddiben heblaw'r dibenion a bennwyd ym mharagraff (1); ac
- (c) os nad yw'r Comisiynwyr wedi rhoi eu cydsyniad ymlaen llaw i'r datgeliad.

Gwybodaeth Cychwyn

- I5** [Rhl. 26](#) mewn grym ar 25.1.2010, gweler [rhl. 1](#)

Gohirio gweithredu a gorfodi **E+W**

27.—(1) Yn ddarostyngedig i baragraff (6), pan fo—

- (a) cynnyrch o drydedd wlad wedi dod i mewn i Gymru;
 - (b) archwiliad gan yr awdurdod tollau o'r cynnyrch hwnnw wedi'i gwblhau neu wedi'i ohirio hyd nes iddo gyrraedd ei gyrchfan yn rhywle arall yn y Deyrnas Unedig;
 - (c) swyddog awdurdodedig i'r awdurdod gorfodi ar gyfer y man lle daeth y cynnyrch i mewn wedi dyroddi ar sail resymol awdurdodiad sy'n cadarnhau—
 - (i) y dylid gohirio archwilio'r cynnyrch at ddibenion y Darpariaethau Mewnforio hyd nes y bydd y cynnyrch yn cyrraedd ei gyrchfan yn rhywle arall yng Nghymru, neu
 - (ii) y dylai'r archwiliad hwnnw ddigwydd pan fydd y cynnyrch yn cyrraedd ei gyrchfan yn rhywle arall yn y Deyrnas Unedig o dan ddeddfwriaeth sydd mewn grym yno ynghylch cynhyrchion a fewnforir; ac
 - (ch) person sy'n mewnforio'r cynnyrch yn rhoi i'r swyddog awdurdodedig hwnnw ymrwymiad ysgrifenedig o ran y materion a bennir ym mharagraff (2),
- daw'r awdurdod gorfodi ar gyfer y man lle mae'r gyrchfan, os yw yng Nghymru, yn gyfrifol am orfodi a gweithredu'r Darpariaethau Mewnforio ar gyfer y cynnyrch hwnnw pan fydd yn cyrraedd yno.
- (2) Rhaid i'r ymgymeriad—
 - (a) datgan gyrchfan y cynnyrch; a
 - (b) cadarnhau—
 - (i) bod y cynhwysydd sy'n cynnwys y cynnyrch wedi'i selio ac na fydd yn cael ei agor nes iddo gyrraedd y gyrchfan,
 - (ii) bod agor y cynhwysydd wedi'i awdurdodi gan yr awdurdod gorfodi ar gyfer y man lle mae'r gyrchfan, os yw yng Nghymru neu'r awdurdod gorfodi y tu allan i Gymru os nad yw'r gyrchfan yng Nghymru, a
 - (iii) y bydd y cynhwysydd ar gael yn y gyrchfan honno i'w archwilio o dan y Darpariaethau Mewnforio neu, yn ôl fel y digwydd, deddfwriaeth ynghylch cynhyrchion a fewnforir sydd mewn grym yn rhywle arall yn y Deyrnas Unedig.
 - (3) Pan fo swyddog awdurdodedig i awdurdod gorfodi yn dyroddi awdurdodiad yn unol â pharagraff (1)(c), rhaid iddo—
 - (a) (os yw gyrchfan y cynnyrch yng Nghymru) hysbysu'r awdurdod gorfodi ar gyfer y man hwnnw neu (os yw gyrchfan y cynnyrch mewn unrhyw ran arall o'r Deyrnas Unedig) hysbysu'r awdurdod gorfodi y tu allan i Gymru—
 - (i) nad yw'r cynnyrch (a ddisgrifir yn y fath fodd ag i ganiatáu iddo gael ei adnabod) wedi'i archwilio o dan y Darpariaethau Mewnforio, a
 - (ii) os yw archwiliad gan yr awdurdod tollau wedi'i ohirio, o'r ffaith honno; a
 - (b) anfon at yr awdurdod perthnasol gopi o unrhyw ymrwymiad a roddwyd yn unol â pharagraff (1)(ch).
 - (4) Pan fo cynnyrch wedi'i anfon at gyrchfan yng Nghymru o ran arall o Ynysoedd Prydain a bod archwiliad o'r cynnyrch hwnnw wedi'i ohirio o dan ddeddfwriaeth ynghylch cynhyrchion a fewnforir sydd mewn grym yno, daw'r awdurdod gorfodi ar gyfer y gyrchfan yn gyfrifol am orfodi a gweithredu'r Darpariaethau Mewnforio ar gyfer y cynnyrch hwnnw pan fydd yn cyrraedd Cymru.
 - (5) Ni chaiff neb dorri ymrwymiad a roddir o dan baragraff 1(ch).
 - (6) Bydd y darpariaethau ar ohirio gweithredu a gorfodi a nodir yn y rheoliad hwn yn ddarostyngedig i unrhyw reolaethau swyddogol sy'n digwydd yn unol ag [F¹⁰Erthygl 47(1)(d) a (2) (b) ac Erthygl 54(4) o Reoliad 2017/625] .

Diwygiadau Testunol

F10 Geiriau yn **rhl. 27(6)** wedi eu hamnewid (C.) (14.12.2019) gan **Rheoliadau Rheolaethau Swyddogol ar Fwyd Anifeiliaid a Bwyd (Cymru) (Diwygiadau Amrywiol) 2019 (O.S. 2019/1482)**, rhlau. 1(1), **22**

Gwybodaeth Cychwyn

I6 Rhl. 27 mewn grym ar 25.1.2010, gweler **rhl. 1**

Gwahardd cyflwyno bwyd anifeiliaid penodol a bwyd penodol **E+W**

28.—(1) Gwaherddir y canlynol—

(a) cyflwyno i Gymru o drydedd wlad fwyd anifeiliaid penodedig sy'n methu â chydymffurfio â gofynion diogelwch bwyd anifeiliaid;

^{F11}(b)

(c) cyflwyno i Gymru o drydedd wlad fwyd penodedig sy'n methu â chydymffurfio—

(i) â gofynion diogelwch bwyd; neu

(ii) â gofynion Erthyglau 3 i 6 o Reoliad 852/2004; ac

^{F12}(ch)

(2) Yn y rheoliad hwn—

(a) ystyr “bwyd anifeiliaid penodedig” yw bwyd anifeiliaid sy'n gynnrych; a

(b) ystyr “bwyd penodedig” yw bwyd sy'n gynnrych.

Diwygiadau Testunol

F11 Rhl. 28(1)(b) wedi ei hepgor (31.12.2020) yn rhinwedd **Rheoliadau Hylendid a Diogelwch Bwyd a Bwyd Anifeiliaid (Diwygiadau Amrywiol a Darpariaeth Arbed) (Cymru) (Ymadael â'r UE) 2020 (O.S. 2020/1581)**, rhlau. 1(3), **10(10)**

F12 Rhl. 28(1)(ch) wedi ei hepgor (31.12.2020) yn rhinwedd **Rheoliadau Hylendid a Diogelwch Bwyd a Bwyd Anifeiliaid (Diwygiadau Amrywiol a Darpariaeth Arbed) (Cymru) (Ymadael â'r UE) 2020 (O.S. 2020/1581)**, rhlau. 1(3), **10(10)**

Gwybodaeth Cychwyn

I7 Rhl. 28 mewn grym ar 25.1.2010, gweler **rhl. 1**

Gwirio cynhyrchion **E+W**

29.—(1) Rhaid i'r person sy'n gyfrifol am gyflwyno unrhyw gynnrych i Gymru ganiatáu i swyddog awdurdodedig i awdurdod gorfodi gyflawni gwiriadau mewn perthynas â'r cynnyrch yn unol ag [^{F13}Erthyglau 34(5) a (6), 44(2) [^{F14}, 45(1), (2) a (4), a 49(1)] o Reoliad 2017/625] .

(2) Pan fo swyddog awdurdodedig yn cyflawni gwiriadau mewn perthynas â chynnrych yn unol ag [^{F13}Erthyglau 34(5) a (6), 44(2) a [^{F14}, 45(1), (2) a (4), a 49(1)] o Reoliad 2017/625] , rhaid i'r person sy'n cyflwyno'r cynnyrch ddarparu'r cyfleusterau a'r cymorth y mae ar y swyddog awdurdodedig angen rhesymol amdanynt er mwyn eu cyflawni.

(3) Pan fo swyddog awdurdodedig i awdurdod gorfodi yn cyflawni gwiriad adnabod neu wiriad ffisegol ar gynnrych yn unol ag [^{F13}Erthyglau 34(5) a (6), 44(2) a [^{F14}, 45(1), (2) a (4), a 49(1)] o Reoliad 2017/625] , bydd gan y swyddog hawl i'w gwneud yn ofynnol bod y gwiriad yn digwydd mewn man penodedig.

Diwygiadau Testunol

- F13** Geiriau yn [rhl. 29](#) wedi eu hamnewid (C.) (14.12.2019) gan [Rheoliadau Rheolaethau Swyddogol ar Fwyd Anifeiliaid a Bwyd \(Cymru\) \(Diwygiadau Amrywiol\) 2019 \(O.S. 2019/1482\)](#), rhlau. 1(1), **23**
- F14** Geiriau yn [rhl. 29](#) wedi eu hamnewid (31.12.2020) gan [Rheoliadau Rheolaethau Swyddogol ar Fwyd Anifeiliaid a Bwyd \(Diwygiadau Amrywiol\) \(Cymru\) 2020 \(O.S. 2020/1487\)](#), rhlau. 1(2), **3(4)**

Gwybodaeth Cychwyn

- I8** Rhl. 29 mewn grym ar 25.1.2010, gweler [rhl. 1](#)

[^{F15}Tynnu safleoedd rheoli ar y ffin yn ôl a'u hatal **E+W**

30.—(1) Pan fo'r Asiantaeth wedi'i bodloni bod safle rheoli ar y ffin wedi peidio â chydymffurfio â'r gofynion y cyfeirir atynt yn Erthygl 64 o Reoliad 2017/625 a Rheoliad 2019/1014 caiff dynnu dynodiad y safle rheoli ar y ffin yn ôl ar gyfer pob categori o anifeiliaid a nwyddau y gwnaed y dynodiad ar eu cyfer, neu ar gyfer categorïau penodol ohonynt, drwy gyflwyno hysbysiad ysgrifenedig i'r perwyl hwnnw i weithredydd y safle rheoli ar y ffin.

(2) Pan fo'r Asiantaeth wedi'i bodloni bod yr amodau y cyfeirir atynt yn Erthygl 63(1) o Reoliad 2017/625 yn gymwys caiff atal dynodiad y safle rheoli ar y ffin ar gyfer pob categori o anifeiliaid a nwyddau y gwnaed y dynodiad ar eu cyfer, neu ar gyfer categorïau penodol ohonynt, drwy gyflwyno hysbysiad ysgrifenedig i'r perwyl hwnnw i weithredydd y safle rheoli ar y ffin ac os oes risg ddifrifol i iechyd pobl neu i iechyd anifeiliaid bydd atal y dynodiad yn cael effaith ar unwaith.

(3) Pan gyflwynir hysbysiad o dan baragraff (2), mae'r safle rheoli ar y ffin yn peidio â bod yn safle rheoli ar y ffin dynodedig i'r graddau a bennir yn yr hysbysiad hwnnw hyd nes y caiff yr ataliad ei ddiddymu drwy hysbysiad ysgrifenedig i'r perwyl hwnnw a gyflwynir gan yr Asiantaeth i weithredydd y safle rheoli ar y ffin.

(4) Pan fo'r Asiantaeth wedi'i bodloni ei bod yn rhesymol tynnu'r dynodiad yn ôl neu ei atal am resymau heblaw'r rhai y cyfeirir atynt ym mharagraffau (1) a (2) caiff wneud hynny ar gyfer pob categori o anifeiliaid a nwyddau y gwnaed y dynodiad ar eu cyfer, neu ar gyfer categorïau penodol ohonynt, drwy gyflwyno hysbysiad ysgrifenedig i'r perwyl hwnnw i weithredydd y safle rheoli ar y ffin.]

Diwygiadau Testunol

- F15** [Rhl. 30](#) wedi ei amnewid (14.12.2019) gan [Rheoliadau Rheolaethau Swyddogol ar Fwyd Anifeiliaid a Bwyd \(Cymru\) \(Diwygiadau Amrywiol\) 2019 \(O.S. 2019/1482\)](#), rhlau. 1(1), **24**

Gwybodaeth Cychwyn

- I9** Rhl. 30 mewn grym ar 25.1.2010, gweler [rhl. 1](#)

Cadw, distrywio, trin yn arbennig, ailanfon a mesurau a chostau priodol eraill **E+W**

31.—(1) Mae gan awdurdod gorfodi bŵer i wneud unrhyw beth y caiff awdurdod cymwys ei wneud o dan [^{F16}Erthyglau 46, 65 i 69, 71, a 72 o Reoliad 2017/625] os bydd yr amodau sydd wedi'u nodi yn yr Erthyglau hynny wedi'u bodloni.

[^{F17}(2) Mae'r mesurau a gymerir gan yr awdurdod gorfodi o dan Erthyglau 66, 67 a 69 o Reoliad 2017/625 yn unol â pharagraff (1) i'w cymryd ar draul y gweithredydd sy'n gyfrifol am y llwyth.]

Diwygiadau Testunol

- F16** Geiriau yn [rhl. 31\(1\)](#) wedi eu hamnewid (C.) (14.12.2019) gan [Rheoliadau Rheolaethau Swyddogol ar Fwyd Anifeiliaid a Bwyd \(Cymru\) \(Diwygiadau Amrywiol\) 2019 \(O.S. 2019/1482\)](#), rhlau. 1(1), **25(a)**
- F17** [Rhl. 31\(2\)](#) wedi ei amnewid (14.12.2019) gan [Rheoliadau Rheolaethau Swyddogol ar Fwyd Anifeiliaid a Bwyd \(Cymru\) \(Diwygiadau Amrywiol\) 2019 \(O.S. 2019/1482\)](#), rhlau. 1(1), **25(b)**

Gwybodaeth Cychwyn

- I10** [Rhl. 31](#) mewn grym ar 25.1.2010, gweler [rhl. 1](#)

[^{F18}Hysbysiadau mewn perthynas â mewnforio bwyd anifeiliaid a bwyd o drydydd gwledydd **E+W**

32.—(1) Os bydd swyddog awdurdodedig i awdurdod gorfodi yn bwriadu gosod llwyth o fwyd anifeiliaid neu fwyd yng nghadw yn swyddogol o dan Erthygl 65, 66 neu 67 o Reoliad 2017/625 rhaid i'r swyddog gyflwyno hysbysiad i'r perwyl hwnnw i'r gweithredydd sy'n gyfrifol am y llwyth.

(2) Cyn rhoi gorchymyn i'r gweithredydd i weithredu yn unol ag Erthygl 66(3)(a), (b) neu (c), rhaid i'r swyddog gorfodi wrando ar y gweithredydd hwnnw fel y darperir ym mhedwerydd is-baragraff Erthygl 66(3) o Reoliad 2017/625 oni bai bod angen gweithredu ar unwaith.

(3) Os bydd swyddog awdurdodedig i awdurdod gorfodi yn bwriadu cymryd unrhyw rai o'r mesurau y cyfeirir atynt yn Erthygl 66 neu 67 o Reoliad 2017/625 mewn cysylltiad â llwyth o fwyd anifeiliaid neu fwyd, rhaid i'r swyddog gyflwyno hysbysiad i'r perwyl hwnnw i'r gweithredydd sy'n gyfrifol am y llwyth.]

Diwygiadau Testunol

- F18** [Rhl. 32](#) wedi ei amnewid (14.12.2019) gan [Rheoliadau Rheolaethau Swyddogol ar Fwyd Anifeiliaid a Bwyd \(Cymru\) \(Diwygiadau Amrywiol\) 2019 \(O.S. 2019/1482\)](#), rhlau. 1(1), **26**

Gwybodaeth Cychwyn

- I11** [Rhl. 32](#) mewn grym ar 25.1.2010, gweler [rhl. 1](#)

Yr hawl i apelio o ran hysbysiadau a gyflwynir o dan reoliad 32 **E+W**

33.—(1) Caiff unrhyw berson a dramgwyddir gan benderfyniad swyddog awdurdodedig i awdurdod gorfodi i gyflwyno hysbysiad o dan reoliad 32 apelio i lys ynadon.

(2) Pan wneir apêl i lys ynadon o dan baragraff (1), y weithdrefn fydd ei gwneud ar ffurf achwyniad i gael gorchymyn, a bydd Deddf Llysoedd Ynadon 1980 yn gymwys i'r achosion.

(3) Un mis o'r dyddiad y cyflwynwyd hysbysiad i'r person sy'n dymuno apelio yw'r cyfnod y caniateir dwyn apêl ynddo o dan baragraff (1) a bernir bod gwneud achwyniad i gael gorchymyn yn gyfystyr â dwyn yr apêl at ddibenion y paragraff hwn.

(4) Pan fo llys ynadon yn dyfarnu, yn dilyn apêl o dan baragraff (1), fod penderfyniad swyddog awdurdodedig yr awdurdod gorfodi yn anghywir, rhaid i'r awdurdod roi ei effaith i ddyfarniad y llys.

Gwybodaeth Cychwyn

- I12** [Rhl. 33](#) mewn grym ar 25.1.2010, gweler [rhl. 1](#)

Apelau i Lys y Goron yn erbyn gwrthod apêl o dan reoliad 33 **E+W**

34. Caiff person a dramgwyddir oherwydd bod llys ynadon wedi gwrthod apêl iddo o dan reoliad 33(1) apelio i Lys y Goron.

Gwybodaeth Cychwyn

I13 Rhl. 34 mewn grym ar 25.1.2010, gweler **rhl. 1**

Risg ddifrifol i iechyd anifeiliaid neu iechyd y cyhoedd **E+W**

^{F19}35.

Diwygiadau Testunol

F19 Rhl. 35 wedi ei hepgor (31.12.2020) yn rhinwedd Rheoliadau Hylendid a Diogelwch Bwyd a Bwyd Anifeiliaid (Diwygiadau Amrywiol a Darpariaeth Arbed) (Cymru) (Ymadael â'r UE) 2020 (O.S. 2020/1581), rhlau. 1(3), **10(11)** (ynghyd â rhl. 16)

Gwybodaeth Cychwyn

I14 Rhl. 35 mewn grym ar 25.1.2010, gweler **rhl. 1**

[^{F20}Costau a ffioedd **E+W**

36.—(1) Mae'r costau a dynnir gan yr awdurdod gorfodi wrth gymryd y mesurau y mae'r gweithredydd yn atebol amdanynt o dan Erthyglau 66, 67 a 69 o Reoliad 2017/625 yn daladwy gan y gweithredydd ar archiad ysgrifenedig yr awdurdod gorfodi.

(2) Mae'r costau rheolaethau swyddogol a gweithgareddau eraill y cyfeirir atynt yn [^{F21}Erthygl 79(2)(a) ac] Erthygl 80 o Reoliad 2017/625 yn daladwy gan y gweithredydd ar archiad ysgrifenedig yr awdurdod gorfodi.]

Diwygiadau Testunol

F20 Rhl. 36 wedi ei amnewid (14.12.2019) gan Rheoliadau Rheolaethau Swyddogol ar Fwyd Anifeiliaid a Bwyd (Cymru) (Diwygiadau Amrywiol) 2019 (O.S. 2019/1482), rhlau. 1(1), **27**

F21 Geiriau yn rhl. 36(2) wedi eu mewnosod (31.12.2020) gan Rheoliadau Rheolaethau Swyddogol ar Fwyd Anifeiliaid a Bwyd (Diwygiadau Amrywiol) (Cymru) 2020 (O.S. 2020/1487), rhlau. 1(2), **3(5)**

Gwybodaeth Cychwyn

I15 Rhl. 36 mewn grym ar 25.1.2010, gweler **rhl. 1**

Caffael samplau mewn perthynas â bwyd gan swyddogion awdurdodedig **E+W**

37. Caiff swyddog awdurdodedig i awdurdod bwyd, at ddibenion gweithredu a gorfodi'r Darpariaethau Mewnforio gan yr awdurdod hwnnw—

- (a) prynu sampl o unrhyw fwyd, neu unrhyw sylwedd y gellir ei ddefnyddio i baratoi bwyd;
- (b) cymryd sampl o unrhyw fwyd, neu unrhyw sylwedd—
 - (i) y mae'n ymddangos i'r swyddog ei fod wedi'i fwriadu i'w roi ar y farchnad neu ei fod wedi'i roi ar y farchnad, i'w fwyta gan bobl, neu

- (ii) y mae'r swyddog yn dod o hyd iddo ar unrhyw fangre neu mewn unrhyw fangre y mae'r swyddog wedi'i awdurdodi i fynd i mewn iddi gan reoliad 39 neu odano;
- (c) cymryd sampl o unrhyw ffynhonnell fwyd, neu sampl o unrhyw ddeunydd sydd mewn cysylltiad â'r ffynhonnell fwyd, y mae'r swyddog yn dod o hyd iddi neu iddo ar unrhyw fangre o'r fath neu mewn unrhyw fangre o'r fath; ac
- (ch) cymryd sampl o unrhyw eitem neu sylwedd y mae'r swyddog yn dod o hyd iddi neu iddo ar neu mewn unrhyw fangre o'r fath ac y mae gan y swyddog reswm dros gredu y gallai fod angen amdani neu amdano fel tystiolaeth mewn achos cyfreithiol o dan unrhyw un o'r darpariaethau yn y Darpariaethau Mewnforio.

Gwybodaeth Cychwyn

116 Rhl. 37 mewn grym ar 25.1.2010, gweler [rh. 1](#)

Dadansoddi etc. samplau **E+W**

38.—(1) Rhaid i swyddog awdurdodedig i awdurdod bwyd sydd wedi caffael sampl o dan reoliad 37—

- (a) ei chyflwyno i gael ei dadansoddi gan ddadansoddydd cyhoeddus, os yw'r swyddog o'r farn y dylai'r sampl gael ei dadansoddi;
- (b) ei chyflwyno i gael ei harchwilio gan archwilydd bwyd, os yw'r swyddog o'r farn y dylai'r sampl gael ei harchwilio.

(2) Caiff person, heblaw swyddog o'r fath, ac sydd wedi prynu unrhyw fwyd, neu unrhyw sylwedd y gellir ei ddefnyddio i baratoi bwyd, gyflwyno sampl ohono—

- (a) i gael ei dadansoddi gan y dadansoddydd cyhoeddus ar gyfer yr ardal lle cafodd y bwyd neu'r sylwedd ei brynu; neu
- (b) i gael ei harchwilio gan archwilydd bwyd.

(3) Mewn unrhyw achos lle bwriedir cyflwyno sampl i'w dadansoddi o dan y rheoliad hwn, os yw swydd y dadansoddydd cyhoeddus ar gyfer yr ardal o dan sylw yn wag, rhaid i'r sampl gael ei chyflwyno i'r dadansoddydd cyhoeddus ar gyfer rhyw ardal arall.

(4) Mewn unrhyw achos lle bwriedir cyflwyno neu lle cyflwynir sampl i'w dadansoddi neu i'w harchwilio o dan y rheoliad hwn, os yw'r dadansoddydd bwyd neu'r archwilydd bwyd yn penderfynu nad yw'n gallu cyflawni'r dadansoddiad neu'r archwiliad am unrhyw reswm, rhaid iddo gyflwyno neu, yn ôl fel y digwydd, anfon y sampl at unrhyw ddadansoddydd bwyd neu archwilydd bwyd arall y bydd yn penderfynu arno.

(5) Rhaid i ddadansoddydd bwyd neu archwilydd bwyd ddadansoddi neu archwilio cyn gynted ag y bo'n ymarferol unrhyw sampl a gyflwynwyd iddo neu a anfonwyd ato o dan y rheoliad hwn, ond ac eithrio—

- (a) os ef yw'r dadansoddydd cyhoeddus ar gyfer yr ardal o dan sylw; a
- (b) os yw'r sampl wedi'i chyflwyno iddo ar gyfer dadansoddiad gan swyddog awdurdodedig i awdurdod bwyd,

caiff fynnu ymlaen llaw fod unrhyw ffi resymol y bydd yn gofyn amdani yn cael ei thalu.

(6) Rhaid i unrhyw ddadansoddydd bwyd neu archwilydd bwyd sydd wedi dadansoddi neu wedi archwilio sampl roi i'r person y cafodd ei chyflwyno ganddo dystysgrif sy'n nodi canlyniad y dadansoddiad neu'r archwiliad.

(7) Rhaid i unrhyw dystysgrif a roddir gan ddadansoddydd bwyd neu archwilydd bwyd o dan baragraff (6) gael ei llofnodi ganddo, ond caniateir i'r dadansoddiad neu'r archwiliad gael ei wneud gan unrhyw berson sy'n gweithredu o dan ei gyfarwyddyd.

(8) Mewn unrhyw achos cyfreithiol o dan y Darpariaethau Mewnforio, bydd y ffaith bod un o'r partïon yn dangos—

- (a) dogfen sy'n honni ei bod yn dystysgrif a roddwyd gan ddadansoddydd bwyd neu archwilydd bwyd o dan baragraff (6); neu
- (b) dogfen a ddarparwyd i'r parti hwnnw gan y parti arall fel un a oedd yn gopi o'r dystysgrif honno,

yn dystiolaeth ddigonol o'r ffeithiau a nodir ynddi oni bai, mewn achos sy'n dod o dan is-baragraff (a), bod y parti arall yn ei gwneud yn ofynnol i'r dadansoddydd bwyd neu'r archwilydd bwyd gael ei alw i fod yn dyst.

(9) Dehonglir unrhyw gyfeiriad yn y rheoliad hwn at ddadansoddydd cyhoeddus ar gyfer ardal benodedig, pan fo dau neu ragor o ddadansoddwyr cyhoeddus wedi'u penodi ar gyfer yr ardal honno, fel cyfeiriad at y naill neu'r llall ohonynt neu at unrhyw un ohonynt.

(10) Mae'r Rheoliadau [^{F22}Diogelwch Bwyd (Samplu a Chymwysterau) 2013](2) yn gymwys i sampl a gaffaelwyd gan swyddog awdurdodedig i awdurdod bwyd o dan reoliad 37 fel petai'n sampl a gaffaelwyd gan swyddog awdurdodedig o dan adran 29 o'r Ddeddf.

(11) Rhaid i'r dystysgrif a roddir gan ddadansoddydd bwyd neu archwilydd bwyd o dan baragraff (6) fod ar y ffurf a nodir yn Atodlen 3 i Reoliadau [^{F22}Diogelwch Bwyd (Samplu a Chymwysterau) 2013].

Diwygiadau Testunol

F22 Geiriau yn [rhl. 38\(10\)\(11\)](#) wedi eu hamnewid (C.) (6.4.2013) gan [Rheoliadau Diogelwch Bwyd \(Samplu a Chymwysterau\) \(Cymru\) 2013 \(O.S. 2013/479\)](#), [rhlau. 1, 11\(b\)](#) (ynghyd ag [ergl. 3, Atod. 1](#))

Gwybodaeth Cychwyn

I17 Rhl. 38 mewn grym ar 25.1.2010, gweler [rhl. 1](#)

Pwerau i fynd i mewn ar gyfer swyddogion awdurdodedig awdurdod gorfodi bwyd **E+W**

39.—(1) Bydd gan swyddog awdurdodedig i awdurdod bwyd, wedi iddo ddangos, os gofynnir iddo wneud hynny, ryw ddogfen a ddilyswyd yn briodol ac sy'n dangos ei awdurdod, hawl ar bob adeg resymol—

- (a) i fynd i mewn i unrhyw fangre o fewn ardal yr awdurdod er mwyn darganfod a oes unrhyw un o'r darpariaethau yn y Darpariaethau Mewnforio o ran bwyd yn cael neu wedi cael ei thorri ar y fangre;
- (b) i fynd i mewn i unrhyw fangre, boed o fewn ardal yr awdurdod neu y tu allan iddi, er mwyn darganfod a oes ar y fangre unrhyw dystiolaeth am unrhyw doriad o'r fath yn yr ardal honno; ac
- (c) i fynd i mewn i unrhyw fangre er mwyn i'r awdurdod gyflawni ei swyddogaethau o dan y Darpariaethau Mewnforio,

ond ni chaniateir mynnu cael mynediad fel mater o hawl i unrhyw fangre sy'n cael ei defnyddio'n unig fel tŷ annedd preifat oni bai bod hysbysiad am y bwriad i fynd i mewn i'r fangre wedi'u rhoi i'r meddiannydd 2 awr ymlaen llaw.

(2) [O.S. 1990/2463](#), y ceir diwygiadau iddo nad ydynt yn berthnasol i'r Rheoliadau hyn.

(2) Os bydd ynad heddwach, ar ôl cael gwybodaeth ysgrifenedig ar lw, wedi'i fodloni bod sail resymol dros fynd ar unrhyw fangre at unrhyw ddiben a grybwyllwyd ym mharagraff (1) a naill ai—

- (a) bod mynediad i'r fangre wedi'i wrthod, neu y deallir y gall gael ei wrthod, a bod hysbysiad o'r bwriad i wneud cais am warant wedi'i roi i'r meddiannydd; neu
- (b) y byddai cais am fynediad, neu roi hysbysiad o'r fath, yn mynd yn groes i'r amcan o fynd i mewn i'r fangre, neu fod yr achos yn achos brys, neu fod y fangre heb ei meddiannu neu fod y meddiannydd yn absennol dros dro,

caiff yr ynad drwy warant a lofnodir ganddo awdurdodi'r swyddog awdurdodedig i fynd i mewn i'r fangre, gan ddefnyddio grym rhesymol os bydd ei angen.

(3) Bydd pob gwarant a roddir o dan y rheoliad hwn yn parhau mewn grym am gyfnod o un mis.

(4) Caiff swyddog awdurdodedig sy'n mynd i mewn i unrhyw fangre yn rhinwedd y rheoliad hwn, neu yn rhinwedd gwarant a ddyroddwyd odano, fynd ag unrhyw bersonau eraill y mae'n barnu eu bod yn angenrheidiol gydag ef, ac wrth ymadael ag unrhyw fangre sydd heb ei meddiannu ac y mae'r swyddog wedi mynd i mewn iddi yn rhinwedd gwarant o'r fath, rhaid iddo ei gadael yn fangre sydd wedi'i diogelu yr un mor effeithiol rhag mynediad diawdurdod ag yr oedd pan aeth yno yn gyntaf.

(5) Caiff swyddog awdurdodedig sy'n mynd i mewn i fangre yn rhinwedd y rheoliad hwn, neu yn rhinwedd gwarant a ddyroddwyd odano, arolygu unrhyw gofnodion (ar ba ffurf bynnag y maent yn cael eu cadw) sy'n ymwneud â busnes bwyd, a phan fo'r cofnodion hynny yn cael eu storio ar unrhyw ffurf electronig—

- (a) caiff fynd at unrhyw gyfrifiadur ac unrhyw aparatws neu ddeunydd perthynol a ddefnyddir neu a ddefnyddiwyd mewn cysylltiad â'r cofnodion, a'u harolygu a gwirio eu gweithrediad; a
- (b) caiff ei gwneud yn ofynnol i unrhyw berson sydd â gofal dros y cyfrifiadur, yr aparatws neu'r deunydd, neu sydd fel arall yn ymwneud â'u gweithredu, roi iddo unrhyw gymorth y mae arno angen rhesymol amdano.

(6) Caiff unrhyw swyddog sy'n arfer unrhyw bŵer a roddwyd gan baragraff (5)—

- (a) cymryd i'w feddiant a chadw unrhyw gofnodion y mae ganddo reswm dros gredu y gallai fod angen amdanynt fel tystiolaeth mewn achos cyfreithiol o dan unrhyw un o'r darpariaethau yn y Darpariaethau Mewnforio; a
- (b) pan fo'r cofnodion wedi'u storio ar unrhyw ffurf electronig, ei gwneud yn ofynnol i'r cofnodion gael eu darparu ar ffurf a fyddai'n caniatáu mynd â hwy oddi yno.

(7) Os bydd unrhyw berson sy'n mynd i unrhyw fangre yn rhinwedd y rheoliad hwn, neu yn rhinwedd gwarant a roddwyd odano, yn datgelu i unrhyw berson arall unrhyw wybodaeth y mae wedi'i chael ar y fangre o ran unrhyw gyfrinach fasnachol, bydd yn euog o dramgwydd, oni bai bod y datgeliad wedi'i wneud wrth iddo gyflawni ei ddyletswydd.

(8) Ni fydd dim yn y rheoliad hwn yn awdurdodi neb, ac eithrio gyda chaniatâd yr awdurdod lleol o dan Ddeddf Iechyd Anifeiliaid 1981, i fynd i mewn i unrhyw fangre—

- (a) lle cedwir anifail neu aderyn y mae unrhyw glefyd y mae'r Ddeddf honno yn gymwys iddo wedi effeithio arno; a
- (b) sydd wedi'i leoli mewn man y datganwyd ei fod wedi'i heintio â chlefyd o'r fath o dan y Ddeddf honno.

Gwybodaeth Cychwyn

I18 Rhl. 39 mewn grym ar 25.1.2010, gweler [rhl. 1](#)

Rhwystro etc. swyddogion (mewnforion) **E+W**

40.—(1) Bydd unrhyw berson sydd—

- (a) yn fwriadol yn rhwystro unrhyw berson sy'n gweithredu i roi'r Darpariaethau Mewnforio ar waith; neu
- (b) yn methu, heb achos rhesymol, â rhoi i unrhyw berson sy'n gweithredu i roi'r Darpariaethau Mewnforio ar waith unrhyw gymorth neu wybodaeth y gall y person hwnnw ofyn yn rhesymol amdano neu amdani er mwyn cyflawni ei swyddogaethau o dan y Darpariaethau Mewnforio,

yn euog o dramgwydd.

(2) Bydd unrhyw berson sydd, gan honni ei fod yn cydymffurfio ag unrhyw ofyniad a grybwyllwyd ym mharagraff (1)(b)—

- (a) yn rhoi gwybodaeth y mae'n gwybod ei bod yn ffug neu'n gamarweiniol mewn manylyn o bwys; neu
- (b) yn ddi-hid yn rhoi gwybodaeth sy'n ffug neu'n gamarweiniol mewn manylyn o bwys,

yn euog o dramgwydd.

(3) Ni chaniateir dehongli dim ym mharagraff (1)(b) fel pe bai'n ei gwneud yn ofynnol i unrhyw berson ateb unrhyw gwestiwn neu roi unrhyw wybodaeth os byddai gwneud hynny yn gallu ei argyhuddo.

Gwybodaeth Cychwyn

II9 Rhl. 40 mewn grym ar 25.1.2010, gweler **rh. 1**

Tramgwyddau a chosbau **E+W**

41.—(1) Bydd unrhyw berson sydd—

- (a) yn mynd yn groes i unrhyw rai o'r darpariaethau [^{F23}mewnforio] penodedig neu yn methu â chydymffurfio â hwy;
- (b) yn mynd yn groes i baragraff (3) o reoliad 26, paragraff (5) o reoliad 27 ^{F24}... neu yn methu â chydymffurfio â hwy;
- (c) yn mynd yn groes i unrhyw rai o'r gwaharddiadau ym mharagraff (1) o reoliad 28;
- (ch) i'r graddau na fydd mynd yn groes i reoliad 29 neu fethu â chydymffurfio ag ef yn dramgwydd o dan reoliad 40, yn mynd yn groes i reoliad 29 neu'n methu â chydymffurfio ag ef; neu
- (d) yn methu â chydymffurfio â hysbysiad a gyflwynir iddo o dan y Darpariaethau Mewnforio,
- [^{F25}(e) yn mynd yn groes i ddarpariaethau unrhyw offeryn a wneir o dan Erthygl 53 o Reoliad 178/2002 neu'n methu â chydymffurfio â hwy.]

yn euog o dramgwydd.

[^{F26}(1A) Bydd unrhyw berson sy'n mewnforio i Gymru neu'n rhoi ar y farchnad unrhyw egin neu hadau sydd wedi eu bwriadu ar gyfer egin nad ydynt yn cydymffurfio â gofynion ardstio [^{F27}Erthygl 13 o Reoliad 2019/625, i'r graddau y mae'n ymwneud â egin a hadau sydd wedi eu bwriadu ar gyfer cynhyrchu egin, fel y'i darllenir gydag Erthygl 27 o Reoliad 2019/628] yn euog o dramgwydd.]

(2) Yn ddarostyngedig i baragraff (3), bydd person sy'n euog o dramgwydd o dan y Rhan hon o'r Rheoliadau hyn yn agored—

- (a) o'i gollfarnu'n ddiannod, i ddirwy nad yw'n fwy na'r uchafswm statudol; neu
- (b) o'i gollfarnu ar ddiad, i garchariad am gyfnod nad yw'n hwy na dwy flynedd, i ddirwy neu i'r ddau.

(3) Bydd person sy'n euog o dramgwydd o dan reoliad 0 yn agored, o'i gollfarnu'n ddiannod, i ddirwy nad yw'n uwch na lefel 5 ar y raddfa safonol neu i garchariad am gyfnod nad yw'n hwy na thri mis, neu i'r ddau.

Diwygiadau Testunol

- F23** Gair yn rhl. 41(1)(a) wedi ei fewnosod (C.) (23.11.2010) gan Rheoliadau Bwyd Anifeiliaid (Cymru) 2010 (O.S. 2010/2652), rhlau. 1, **16(4)**
- F24** Geiriau yn rhl. 41(1)(b) wedi eu hepgor (31.12.2020) yn rhinwedd Rheoliadau Hylendid a Diogelwch Bwyd a Bwyd Anifeiliaid (Diwygiadau Amrywiol a Darpariaeth Arbed) (Cymru) (Ymadael â'r UE) 2020 (O.S. 2020/1581), rhlau. 1(3), **10(12)(a)**
- F25** Rhl. 41(1)(f) wedi ei fewnosod (31.12.2020) gan Rheoliadau Hylendid a Diogelwch Bwyd a Bwyd Anifeiliaid (Diwygiadau Amrywiol a Darpariaeth Arbed) (Cymru) (Ymadael â'r UE) 2020 (O.S. 2020/1581), rhlau. 1(3), **10(12)(b)**
- F26** Rhl. 41(1A) wedi ei fewnosod (C.) (31.12.2013) gan Rheoliadau Diogelwch Bwyd, Hylendid Bwyd a Rheolaethau Swyddogol (Hadau Egin) (Cymru) 2013 (O.S. 2013/3007), rhlau. 1(2), **4(3)**
- F27** Geiriau yn rhl. 41(1A) wedi eu hamnewid (31.12.2020) gan Rheoliadau Rheolaethau Swyddogol ar Fwyd Anifeiliaid a Bwyd (Diwygiadau Amrywiol) (Cymru) 2020 (O.S. 2020/1487), rhlau. 1(2), **3(6)**

Gwybodaeth Cychwyn

- I20** Rhl. 41 mewn grym ar 25.1.2010, gweler **rhl. 1**

Y terfyn amser ar gyfer erlyniadau (mewnforion) **E+W**

42. Ni chaniateir cychwyn unrhyw erlyniad am dramgwydd o dan y Rhan hon o'r Rheoliadau hyn sy'n dramgwydd y gellir ei gosbi o dan reoliad 1(2), ar ôl i'r naill neu'r llall o'r cyfnodau canlynol ddod i ben—

- (a) tair blynedd o ddyddiad cyflawni'r tramgwydd; neu
- (b) blwyddyn o ddyddiad ei ddarganfod gan yr erlynydd,

p'un bynnag yw'r cynharaf.

Gwybodaeth Cychwyn

- I21** Rhl. 42 mewn grym ar 25.1.2010, gweler **rhl. 1**

[^{F28}F]fioedd neu daliadau sy'n deillio o reolaethau swyddogol anghynlluniedig **E+W**

42A. Rhaid i ffioedd neu daliadau a osodir gan awdurdod cymwys ar weithredydd yn unol ag Erthygl 79(2)(c) o Reoliad 2017/625 gael eu talu gan y gweithredydd ar archiad ysgrifenedig yr awdurdod cymwys.]

Diwygiadau Testunol

- F28** Rhl. 42A wedi ei fewnosod (31.12.2020) gan Rheoliadau Rheolaethau Swyddogol ar Fwyd Anifeiliaid a Bwyd (Diwygiadau Amrywiol) (Cymru) 2020 (O.S. 2020/1487), rhlau. 1(2), **3(7)**

Newidiadau i ddeddfwriaeth: *Ar hyn o bryd nid oes unrhyw effeithiau heb eu gweithredu yn hysbys ar gyfer y Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009, RHAN 3. (See end of Document for details)*

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009, RHAN 3.